


**RECTORIS PRO
TEMPORE ACADEMIAE
VVITEBERGENSIS
IOHANN. IESSENII À
IESSEN ... DE...**

Johann : von Jessen





Industria, arte, diligentia opus
est pecudum rectori, quantò ma-
gis hominum ⁊ animalis adeò varii
& intractabilis.

DE MORIBVS ET LE-
GIBVS,

SERMO.

Hominem socium esse animal necessitas ipsa coëgit. In tanta enim imbecillitate, tot & tantarū rerum inopia sibi nemo soli cū sufficeret, urgente mutua opis indigētia: Contiguas pietas iussit habere domos, ut inquit ille. Addidit glutinū Deus huic societati, animū benevolum. Hac quidem benevolentia forās aliquantulum ebulliit, mox verò ardore hoc restincto, intrò rursus sese recepit, ita ut seipsum tantū tenerrimè quisq; amet, in alios rigidus atque asper. Foret hoc praesentissima & gravis tumultuum in vita caussa, si ad suas utilitates & delicias, quantum viribus suis quisque valeret, omne transferre permetteretur, nisi in locū mutua benevolentia iustitia successisset, qua avidas manus comperceret, atque ab hominū convictu injuriam omnem arceret. Hac tamen etiam cū & ipsa non rarò ignorantia obruatur, saepe etiam ex animo affectuum turba propellat, publica ut persisteret, quae sine hac non valebat, incolumitas, majori potestate & vi iustitia continenda fuit. Quod ex
A 2 usu

usu igitur esset omnium ad quietem & jucundè vivendum, permissu communi, iis, quos censebant sapientissimos esse, magni judicii & sedatis affectibus, concessum est, ut ipsi, quam aequitatem mentis sua lumine essent intuiti, ad publicum usum ederent, eamque si videretur, acciperent hominum cœtus, confirmarent, atque nervis, pœnis, metu, stabilirent. Ergo principio coalita hominum congregatione, cum veluti moles quadam rectore indigeret, (dum adhuc nemo sibi sumere has partes audebat) eligebatur ex eo corpore aliquis, prudentia & probitate insigni spectatus, cui parerent omnes, ut ille fultus consensu universorum (qua amplissima sunt opes, & maxima potentia) tueretur bonos, coerceret malos, jus diceret, & illius integritate unusquisque, quod suum esset, obtineret; cujus decreta & jussa, essent jus ratum, ac leges dicerentur. Erat tunc priscis illis satis sic denunciari, non debere fieri. Verbum istud & manus & voluntates continebat: tantum apud illos valebat juris & aequitatis respectus. Et Plato quoque Magistratus in hoc occupatam unicè curam esse jubet, ut cives assuesciant bonis delectari, aversari & odisse mala: quo consecuto

SERMO.

cuto, non esse opus multis legibus, quando unusquisque intra se legem sibi equissimam circumferat, moderatum ac rectè constitutum animum. Vnde porticus legum tabulis replere non fore opus, siquidem in hominum mentibus aequitas defixa existat. Aliàs malè educatis atque edoctis, legum nullam quamlibet exactè præscriptarum reverentiam esse, cum contrà probè institutis solùm bonis moribus recepta sufficiant. Credo ego, hinc Solonem de parricidiis legem nullam tulisse, uti nec Lycurgum de adulteriis quicquam cavisse, quòd vel tale facinus in quenquam posse cadere, non arbitrarentur, aut saltem ut sepulta hujusmodi crimina excitare minus viderentur. Ast deinceps postquam crevit contumacia, nec amplius satis esset quippiam prohiberi, leges latae sunt, & potestatis loco denunciata coërtio ad terrorem omnium, ne se effunderet in potentia. Inde tot hodie diligenter sancitæ leges, tot injuriis, sceleribus, designatæ pœna, tot litium generibus indita judiciorum nomina, tot loca judiciis exercendis consecrata, ut nulla nunc civitas tam quieta sit, cui unum forum sat sit. Quæ argumento sunt omnia, pravo homines esse ingenio, pra-

va educatione: cogi videlicet Magistratus, alias
 super alias accumulare leges, dum vitiis multifa-
 riam erumpentibus leges quasi obices opponunt. Sed
 nedum (proh dolor) hæc obterenda & restringenda
 malitia sufficiunt, adeò justissimè ingemiscens ex-
 clamare quisque possit: O felices, nati melioribus
 annis. Hominum nunc genus in rebus omnibus quo-
 tidie segnius atq; inertius, mirum quàm in malis
 omnibus sufficiat: bona artes & disciplina univer-
 sa, ingenii & sapientia profutura, jacent, incultio-
 resq; sunt hodie, quàm cum primùm proferrètur, vi-
 deas tã omnia (sicut Poëta ait) in pejus ruere, & re-
 trò sublata referri. Omnes prava artes, & in mutu-
 am perniciem ab hominibus excogitata, augentur,
 excoluntur, vigent, inveniuntur semper magistri
 earum, semper discipuli alii aliis succedunt, imò ve-
 rò magno proventu succrescunt. Sapientia & pie-
 tas deserta ac neglecta, nisi paucorum quorundam
 opera & diligentia fulcirentur, brevi conciderent.
 Ergo novum virtutis genus jampridem nullum ex-
 titit, nova vitiorum, flagitiorum, scelerum genera
 quotidie, etiam cum rem credebamus ad ultimū esse
 perductam, nec locum amplius novo invento super-
 esse.

SERMO.

esse. Quos præteriére secula, cum majores nostri conquererentur, ad fastigium scelera pervenisse? At proximum quoque seculum demonstravit, ne ad medium quidem ascendisse, cum superiores in cacumine clamarent consistere. Hæc certè atas prioribus ostendit, nimis præmaturè illos esse conquestos, vix cepisse nasci flagitia, cum ipsi tanquam adulta desferrent. (Cui non (per DEUM immortalem) quotidie novæ vitiorum, improbitatum, scelerum facies sunt cum maximo gemitu spectanda? Intueamur vel unicam gula intemperantiam, nonne hæc nunc magis, quàm antehac nunquam, nostram præsertim gentem, quasi perpetuo & diro servitutis pacto sibi habet. Bruta, quæ DEUS omnia, demisso in terram capite, pastui nata condidit, obviis ac à natura paratis cibus contenta, potus etiam illo ubique exposito perfruuntur. Solus homo spectatum cælum erectus, ad cultum animi, divinitatis ac proinde immortalitatis creatus, natura salubria, imò Dei rectius munera spernit, atque ex ultimis terris, mariq; ipso, quod delicatum ipsius palatum exsatiaret, vel potius irriteret, accersit, deplorandum corporis mancipium. Aqua, ex scaturigine pura hausta & saluberr-

DE MORIB. ET LEGIB.

berrima bestia, cum utantur, non eadem homini
satisfacit, imò nec vinum, quod Paulus Timotheo
suo, ex ventriculo laboranti, modicum indulgit, &
dilutum; sed quod vel Hispania genuit, aut ex Cre-
ta, & ultimis oris advectum. Nobis verò quæ co-
luntur, quòd proveniant tenuiora, atq; ad inebri-
andum minùs potentia, calce, sulphure, alumine, &
aliis abominabilibus, quò faciliùs caput petant,
mentemque ipsam feriant, adulterant, quibus tan-
tum abest singulis ut sitim restinguant, ut magis et-
iam accendant. Hic verò, & ubi necessitas impe-
rat vini penuria, excogitata cerevisia est, quam
ex lacunis plerunque, vel, in quam cloaca influant,
obscœnissima aqua coquunt, cui ea quoque addunt,
quæ aequè validam ad ebrietatem reddant, quàm
quodcunque vinum & quocunque loco natum. Tum
denuum verè beatos rentur, si hisce potus generi-
bus sese explere & infarcire, itaque mutuò acci-
pere liceat, quò discedant sic distenti, ut parum ab-
sit, quin rumpantur, nihilq; toti insit homini, quod
suum facere possit officium, beluaq; recedat, qui ho-
mo advenerat. O pudendam mentium cecitatem,
tam speciosum videri, hominem de mentis potestate

SERMO.

exire, induere beluam, imò verò stipitem & saxū?
 O furorem cacum, ire se perditum, nec se hominem
 existimare, nisi quotidie fias bestia. Ogulam despe-
 ratam, querixas, contentiones, plagas, cades, adul-
 teria designare solet, & alia id genus impura ma-
 ter fœdissimam sobolem fœcundissimè procreare. O-
 mnes namque virtutes, quemadmodum connexionem
 quadam sibi juncta sunt: ita vitia tanquam an-
 nuli in torque mutuo sese devincire, à sapientibus
 prœditum est. Quis igitur, quaso, non videt deplo-
 randam hominum invidiam, superbiam? Quis ra-
 biem irarum, simultatum, & impotentes in DE-
 UM blasphemias, horrenda perjuria, tristes execra-
 tiones? quis fraudes, imposturas, de quibus omnibus
 in præsentia non vacat, neque libet sigillatim dice-
 re? In hos corruptos mores iratior si invehor, san-
 ctus me id virtutis zelus jubet, & hoc, quod sustineo,
 munus injungit: & si unquam, certè nunc adversus
 has labes, ne fortius serpant, insurgendum est gra-
 vius, ut si sortè hoc modo à beluino victu homines de-
 territi, ad sapientiæ innocentiaq; consortium festi-
 nent. Tot etenim hinc Romæ olim & Athenis vi-
 ri sapientes, quod libera lingua pravum & distor-

DE MORIB. ET LEGIB.

tum omne discerpere & dilaniare liceret. Integrum in crescentis Ecclesia exordio erat, peccantes increpare, ut quos timor DEI meliores non redderet, verecundia mundi (quantumcunque id esset) ad peccandum segniores saltem efficeret. At tantò hoc per-
verso seculo periculosius nobiscum agitur, quòd pauci nunc Verona, plurimi Placentia adveniant Palpones & Gnatihones egregii, qui blandis adulationibus facinorosa foveant, imò quod omnium perniciosissimum, laudem etiam atque commendationem addunt. Ab, si id, quod virtuti est proprium, ad vitia transfer-
tur, quid spei est reliquum miserrimo hominum generi, ad flagitia alias proclivi, nisi ut, de mta abo-
minatione, qua deterreatur à scelere, ruant omnes in capitalia facinora, de quibus etiam perinde glo-
rientur ac de virtute? Audet hanc jactantiam, quod tantò ferendum iniquius, non rudis solum & immoratus vulgus, sed majori cum protervia sobria doctrina addictus, nescio, quomodo tam sui prorsus oblitus, noster cætus, è quo plurimum quantus sit, & quibus in literis profectus, mores testantur, non in his scilicet atriis sapientia præceptis institutos, sed in temulentia scholis tabernis furore correptos, quos
pon-

SERMO.

spontanea eò frequenter agit demētia astus, ut noctu
 praesertim, vespertilioes hi patrare ea non verean-
 tur, quæ immānissima etiā quævis belua non au-
 deat. Excellentia tamen adhuc ex hac stulta insa-
 nia queritur, & præstantior ille aliis haberi vult, cu-
 jus temeritas ulterius progressa est. Hac nostro-
 rum sunt papæ studia temporum: Hujusmodi ho-
 die ingenia miserrima, & mea sententia, ad pale-
 am, siliquas, aristas, non ad frugem nata. His ne
 putes, eos, penes quos summa rerum quondam fuit
 potestas, exemptiones, & singularia privilegia in-
 dulisse? Non arbitror. credo magis reversum ab
 inferis FRIDERICUM Imperatorem, & plerorum-
 que eorum, qui à disciplinarum cultu studiosos sese
 appellant, vitam intuentem, Novellam Constitutio-
 nem suam emendaturum, & quod scio justissimè re-
 positurum: Quis, inquit, eorum misereatur, qui
 sponte à mente exules, facti de divitibus pauperes,
 semetipsos exinaniunt, vitā suam temerè multis pe-
 riculis exponunt? Quid dicturum facturumq; FRI-
 DERICUM, à divinarum humanarumq; rerum stu-
 dio SAPIENTEM cognominatum, Saxonia Electo-
 rem inclytum existimas? si præposteris hos mores, &

alienissimum vita genus ipsi intueri coram liceret. Voluit certe cordatissimus Heros hic, Academia hujus Conditor, & ceteri hujus Conservatores, Duces & Electores Saxonia Illustrissimi, locum hunc DEO & Musis consecratum, pietatis, scientiarum & virtutum esse Gymnasium. Iubet nunc quoque Tutelario nomine excelsissimus Heros FRIDERICUS WILHELMUS, Princeps verè probus, Dominus meus Clementissimus, hic vigere justitiam, prudentiam, temperantiam, fortitudinem, salutem, amorem, pacem, concordiam, solatium, fidem, honestumque otium: hic religionem, sanctitatem, hic disciplinas omnes, cum Musis Gracias, hic Virtutem ipsam, relegato & proscripto omni scelere, habitare unice exoptat. Ut ergo libidini, licentia, injustoque omni Principes hi fortissimi aditum praecluderent, & oppidum hoc, mœniis & aggeribus exstructis, propugnaculis erectis, omnis item generis armis & praesidiis adornatis, adversus externas injurias munitissimum, & Musas ipsas his legum, quas jam auscultate, decretis dexteris, contra intestinam violentiam securissimas pulcherrimè praestiterunt.

Hic

SERMO.

Hic Statuta Vniuersitatis, & unâ FRIDERICI I, AUGUSTI, CHRISTIANI, beatâ recordationis, SAXONIA Ducum & Electorum, nec non FRIDERICI VVILHELMII, Electoratus Administratoris mandata aliquot, Franciscus Hellsus Notarius accensuit.

Qua sint Magistratus administrationis preceptiones, ad vos non spectat: sed ex dictis his potius nosse, quid vobis facto opus sit, qui sub Magistratu hoc nostro degitis. Quemadmodum igitur, si, Magistratus summi mente & voluntate vobis nō declarata, contra has aliquis quippiam committeret, equum non foret, me vobis succensere: ita postquam prae monui, quid agere quemque vestrum conveniat, caussa optima de eo, qui non paruerit, licebit mihi conqueri. Neque est, quod vestrum quispiam leges has, aranearum telis, infirmo edificio, similes existimet, quibus minutula duntaxat bestia, musca, formica, & id genus alia imbellia contineantur: maiora verò, velut aquila, vultures, & similia, tenui structura rupta, indemnita evadant. Nam etsi tale quippiam & Solon ille, unus è septem Gracia sapientibus, de legibus sentire, & Cato censoria sua sententia confirmare non dubitarent: Sciendum ta-

DE MORIB. ET LEGIB.

men & tenendum erit, leges, quarum germana est Iustitia, omnes sui parte esse aequales, ex se verò mutas atque surdas, quæ nihil audiant, nil loquantur, imò nec videant quicquam. At viros his additos esse, quibus loquentibus, ipsæ loquantur, quibus videntibus & audientibus, ipsæ videant atque audiant. Hos iudices appellare soliti sumus, quos ^{ἰκαστὴς} ^{δικῆς} Græci nominant, qui & loquentes leges dicuntur, quemadmodum leges mutos iudices non ineptè quispiam appellàrit. Hi si præsidenti Iustitiæ, cuius imaginem Chrysippus Stoicus Philosophus optimè depinxit, sese conforment, graves, sanctos, incorruptos, severos, in adulabiles, castos, temperantes, prudentes præstabunt, quos nec gratia flectet, nec timor deterrebit humanus, odio, amicitia, ira vacabunt, nec se unquam aureis hamis capi patientur. Quòd si autem fortè aliqui iudices sunt, quorū haud dubiè existunt plurimi, si modò hoc nomine appellandi, qui bovem, ut dicitur, facile in lingua ferunt, quos divitum dona commovent, & potentum mina conturbant: hi sunt, qui bestiolis imbecillibus acres & severi, majores verò expavescent, iudicia, jura, leges, & iustitiam turpiter deserunt. Hæ sunt araneæ

SERMO.

nei telula, quæ minutula irretiunt animalia, majoribus cedunt, & ne his solum, sed & levibus ubi has majora perfrugerint. Quare non jura, non leges, sed nequam quidam judices & homines nihili, aranea sunt, qui neq; judices verè sunt, hoc est, jus dicentes. Non enim ejusmodi perditorum hominum voce leges constitutæ, sed natura norma, qua lib. 5. de Rep. Philosopho teste, in omnium cordibus scripta, & ex utero materno nobiscumeducta, & initio in natura ipsa, quemadmodum margaritæ in conchis, sita sunt. Ad has qui judicia sua accommodat, hic solus dixeris, & verè judex & justitiæ antistes censendus est. Ceteri verò non pluris, quàm quales in ludis repræsentantur scenici, vel etiam pecti, faciendi. Nemo igitur vestrum hisce se exemptum statutis & sancti-
onibus patet, sed his ad obedientiam vel ad pœnam obligatum certò existimet. Quod qui seriò cogitabit, tollet ilicò confictam stulte libertatis speciem, ne nominatam quidem in vetustis Romanorum & Græcorum monumentis, nedum expressam, ut cuique impunè liceat, quantum libeat. Tenebit porius libertatem summam, legibus ac legitimis Magistratibus quietè obtemperare, & bonum se accommoda-

DE MORIB. ET LEGIB.

deratum prabere civem, voci legum ac Magistratum præsto esse, imperiis promtè & alacriter parere: imò verò hanc statuet unicam veram esse libertatem, velle se bene vivere, hoc est, animi vitiis vacare, & impotentissimis voluntatis motibus ac cupiditatibus non servire, quæ sola est servitus, ut nec Reges ipsi possint dici liberi, quàm diu his obsequantur. Hos pravos appetitus animi nostri omnes sola Obedientia, reliquarum virtutum radix ac sementum, compescit, & quò gradus præstantiores sunt, eò pertinacius ipsis inest obtemperandi præpositum. Ita sublimi quodam modo Angeli Deo obediunt, cæli perennibus suis motibus libentissimè morem gerunt, nec ulla res est tam exilis in hoc toto universo, quæ non divinæ illi rationi, menti, legi, voluntati obtemperet, quin homini quoque ferarum omne genus spontè se submittere cernimus; imò in homine ipso animam per naturam corpori dominari sentimus. Obedientia hac cum custos sit & servatrix ordinis, existimandum est ex eo fonte emanasse, unde rerum ordo effluxit, qui ex divina providentia verissimè emanavit. Non ergo à fortuna & consuetudine oriunda obtemperantia, sed unà cum rerum natura
geni-

SERMO.

genita, & in totius Vniuersi sinum largiter effusa. Gratius igitur, iucundiusq; nihil in terra esse potest, quàm cum homines, DEI & natura, quoad ejus fieri potest, imitantur virtutem atque consilium: deriva-
tâque ad se parte aliqua illius aterna legis, ac guber-
nanda Reipub. rationis, providentia conventus insti-
tuant, coagmentent, vinculo illo justitia & obedien-
tia copulent. Quod omnem societatem & bonam
reddit, & stabilem continet. Hæ enim congregati-
ones, civitates & communitates appellantur, quæ ad
exemplum diuina hujus civitatis, quam nos incolim-
us, formata & composita, mirum quàm Principi
Conditori nostro arrideant. Atque illa demum sunt,
quæ vel immortales, vel profectò diuturna admodum
permanent. Vt igitur & in ducendo Magistratus,
& in sequendo Subditi, suum faciant, & seriò, offici-
um, pulcherrimus hic uniuersus Ordo persuadeat,
& commune bonum invitet: à sinistro verò propo-
sito, DEI vindicta retrahat, & præsentissima, qua to-
tum orbem urgent hodie, mala, quibus justissimus DE-
us alios præsentî pœna punit, alios periculo castigat,
alios aliorum exemplis, ut ad frugem redeant, admo-
net. Nemo profectò necesse habet, rerum antiquitus
C gesta-

gestarum monumenta evolvere, aut quid Patrum memoria gestum sit, rogare: res saltem nostri temporis repetat, reperturus quantis flagris, & iis atrocissimis, Patribus nostris novis & mirandis, humanum genus promiscuè cadatur. Vidit hac atas nostra ultima crudelitatis exempla; Hominum cades, Urbium exustiones; Agrorum depopulationes; Regionum vastationes. Splendida multa urbes terramotibus concussæ, imò soli hiatus absorptæ; Quid non fœmineus passus, contra pudorem, sexus est? ab uberibus matrum infantia abrepta in servitutem? Turca pestis, Principum nostrorum discordia ad suas utilitates abutitur, paulatimq; viscera Christiani Orbis depascitur, donec se totum in nos effundat. Fames, Dii boni, quot non enecat? pestis savities circumquaque devertat? quæ omnia cum abunde in aures, in oculos incurrant, in pectus tamen nondum nostrum penetrant. Adeò nos calamitates indurant, & calum obducunt consuetudini peccandi, ne castigationes sentiamus, & fructum amittamus divina reprehensionis. Vehementer metuo, ne brevi tempore graviores sentiamus manus DEI, aut etiã (quod omnium est tristissimum, & quicquid in eo inest omnis

SERMO.

nis, procul avertat Christus) ne penitus rejiciat nos
 & repellat à se, tollens in universum castigationem
 à nobis suam, tanquam insanabilibus, & quos indi-
 gnos judicat, qui corripiamur ut filii, donec aliquan-
 do puniamur ut servi, ut inimici, & exheredemur
 atque abdicemur, quemadmodum filii, quos nulla
 arte ad sanitatem retrahere potest pater. Quod tum
 eveniet, ubi Christus, severus scelerum vindex, ad
 judicium sedebit, & graviter conculcabit pedibus
 inimicos justitia sua. Huic divina ultioni nemo
 ita se subdueturum, ut humanis, speret, in cujus ma-
 nibus, hic, quem videtis & non videtis, universus
 mundus est, & minima portio illius Regni & potē-
 tiæ infinitæ existit: ubi non loca, non pharmaca, non
 natura ipsa, quanta quanta est, ab ejus ira fontem
 ullum prestare tutum poterunt. Ab hac tanta in-
 dignitate & extrema miseria securos nos asserere,
 ô Fili DEI, custos perpetue, & protector inclytæ
 domus Saxonica, & Lycei hujus laudatissimi: at-
 tere corda nostra lapide agnitionis delictorum, &
 asperge rursus rore remissionis peccatorum: deduc nos
 pastor noster in prata justitiæ & obsequentiæ, & con-
 serva nos in ovili patientiæ, charitatis, & timoris

DE MORIB. ET LEGIB.

*Domini, abige potenter, ne nos tibi adimant, lupos,
pravas concupiscentias, & impulsores demones, ef-
ficeq; vasa misericordiae tuae sincera, constantia, &
junge nos tandem tibi ad venture regni tui, in domici-
lio germana patria nostra, ex qua in terram tan-
quam exules ejecti, nunquam finiturae latitiae
ac beatitudinis socios. Amen.*

